

卷一百九十三



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷一百九十三
 內容分類 史 政書 歷代通制
 索書號 貴重-17
 編號 B3510400

杜氏通典卷第二十五

職官七

諸卿上 總論諸卿
 少卿附

奉禮郎 主簿 博士 太祝 兩京郊社署

太樂署 鼓吹署 太醫署 太公廟等署

太卜 廩犧 汾祠 太官署 珍羞署

良醞署 主簿 掌醢署 武器署 左右都候

丞 守宮署 主簿 武庫署 馬令

丞 諸陵署 主簿 崇玄署 典廩署

正 典牧署 主簿 乘黃署 諸牧監

司直 丞 評事 主簿 監 獄丞

[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

東京大学東洋文化研究所
第
三
七
冊
No. 4008

0 1 2 3 4 5 6 7 8 9 5

不 許 複 製

NOT TO BE REPRODUCED

東京大学東洋文化研究所



杜氏通典卷二百九十三

邊防九 西戎五

康居

曹國

何國

史國

奄蔡

滑國

噉噉

挹怛同

天竺

車離

師子國

高附

大秦

小人

軒渠

三童

澤散

驢分

堅昆

呼得

丁令

短人

波斯

悅般

伏盧尼

朱俱波

渴槃陁

粟弋

阿鈎羗

副貨

疊伏羅

賒彌

石國

女國

吐火羅

劫國

隋書卷九十三
大食
越底延
隋羅伊羅

康居

康居漢時通焉在大宛西北可二千里與粟弋伊隣接王理樂越匿地卑闐城亦居蘇雉城去長安萬二千三百里不屬都護戶十二萬東至都護理所五百里與大月氏同俗地和暖饒桐柳蒲萄多牛羊出好馬車羈事匈奴宣帝時郅支單于殺漢使者西阻康居依其險阻其後甘延壽陳湯誅滅郅支單于至成帝時康居遣子侍漢貢獻然自以絕遠獨驕慢都護郭舜數上言康居驕黠本遣子入侍此其欲賈市飾好辭之詐也宜歸其侍子絕勿復使不通使燉於其國燉

煌酒泉小郡及南道八國給使者往來人馬驢橐駝食皆苦乏空罷耗所過送迎驕黠絕遠之國非至計

也漢為其新通重置遠人以此聲終羈縻而未絕自

後無聞或名號變易或遷徙吞并非所詳也至晉武

帝泰始中其王那鼻遣使獻善馬至後魏太武太延

中遣使朝貢其國又稱者舌後魏史云即至隋時謂漢康居國也

之康國大業中遣使朝貢其王姓温月氏人也隋史

漢康居之後自漢以來相承不絕舊居祁連山昭武城自被匈奴所

破西踰葱嶺遂有此國枝庶各分王故康國左右諸

國米國史國曹國何國安國小安國那色波國烏那

曷國穆國凡九國皆其種類並以昭武為姓示不忘

本也康國都於薩寶水上阿祿迪城王索髮冠七寶金花綾羅錦繡白疊其妻有髻幪以帛巾丈夫剪髮錦袍名爲強國西域諸國多歸之人皆深目高鼻多鬚髯善於商賈諸夷多湊其國有大小鼓琵琶五弦箏篋笛婚姻喪制與突厥同俗奉佛爲胡書氣候溫宜五穀勤修園蔬樹木滋茂出馬駝騾犏牛黃金硃砂甘松香阿薩那香琵琶麀皮氍毹錦疊多蒲萄酒富家或置千石連年不敗常節西蕃記云康國人並善賈男年五歲則令與書少解則遣學賈以得利多爲善其人好音聲以六月一日爲歲首至此日王及人庶並服新衣剪髮鬚在國城東林下七日馬射至欲

罷日置一金錢於帖上射中者則得一日爲玉俗事天神崇敬甚重云神兒七月死失骸骨事神之人每至其月俱著黑疊衣徒跣撫膺號哭涕淚交流丈夫婦女三五百人散在草野求天兒骸骨七日便止國城外別有二百餘戶專知喪事別築一院院內養狗每有人死即往取屍置此院內令狗食之肉盡收骸骨埋殯無棺槨大唐貞觀二十一年其國獻黃桃大如鶯卵其色如金亦呼爲金桃杜環經行記云康國在米國西南三百餘里一名薩未建土沃人富國小有神祠名拔誅國事者本出於此

曹國

曹國隋時聞焉都那密水南數里舊是康居之地國

無主康國王令子烏建領之勝兵千餘人國中有得
悉神自西海以東諸國並敬事之其神有金人破羅
閣丈五尺高下相稱每月以駝五頭馬十疋羊百口
祭之常有千人食之不盡東南去康國百里西去何
國百五十里東去瓜州六千六百里大業中遣使來
貢

何國

何國隋時亦都那密水南數里亦舊康居之地也其
王姓昭武亦康國之族類國城樓北壁畫華夏天子
西壁則畫波斯拂菻_{効甚}諸國王東壁則畫突厥婆
羅門諸國王勝兵千人其王坐金羊座風俗與康國

同東去曹國百五十里西去小安國二百里東去瓜
州六千七百里五十里大業中及大唐武德貞觀中皆
遣使來貢

史國

史國隋時都獨莫水南十里亦舊康居之地也其王
姓昭武亦康國王之枝庶也勝兵千餘人俗同康國
北去康國二百三十里南去吐火羅五百里西去那
色波國二百里東北去米國二百里東去瓜州六千
里大業中始通中國後漸強盛乃創建乞史城爲數
十里郭邑二萬家大唐貞觀中遣使來貢

在漢之康居故地遂便附之

自曹國何國史國皆

奄蔡

奄蔡漢時通焉西與大秦東南二千里與康居接去陽關八千餘里控弦十餘萬與康居同俗而屬康居士氣溫和臨大澤無涯岸多積松白草及貂畜牧逐水草蓋近北海至後漢改名阿蘭那國後魏時曰粟特國一名温那沙後漢史云初匈奴殺其王而有其國至文成帝初遣使朝貢其王忽代矣三周武帝時亦遣使來貢

滑國

滑國車師之別種也後漢順帝永建初八滑從班勇擊北虜有功漢以八滑為後部親漢侯自魏晉以來不通中國至梁武帝普通初其王厭帶夷粟施始遣

使獻貢黃獅子白貂裘波斯錦等物後魏之居桑乾也滑猶小國屬蠕蠕後稍強大征其旁國波斯渴槃罽賓龜茲疎勒姑墨于闐等國焉其獸有獅子兩脚駝野驢有角人皆善騎射著小袖長袍用金玉為帶女子披裘頭上刻木為角長六寸以金銀飾之兄弟共妻無城氈屋為居東向開戶其王坐金牀隨太歲轉無文字以木為契與旁國通使國中為胡書羊皮為紙無職官事天神火神每日則出戶祀神而後食跪一拜而止死以木為槨父母死其子截一耳塗訖即吉其言語待譯然後通至後魏時謂之滑臣

噉噉國

嘽國或云高車之別種或云大月氏之種類其源出於塞北自金山而南在於闐之西東去長安一萬一千里衣服類胡加以纓絡頭皆剪髮其語與蠕蠕高車及諸胡不同部衆可十萬依隨水草其國無車有輿多駝馬用刑嚴急盜無多少皆腰斬盜一責十死者富家累石爲藏貧者掘地而埋隨身諸物皆置塚內又兄弟共娶一妻無兄弟者其妻戴一角帽若有兄弟者依其多少之數更加帽角焉西域康居于闐沙勒安息及諸小國三十餘所皆役屬之號爲大國每遣使朝貢孝明帝熙平中遣伏子統宋雲使西域所經諸國不能知其本末及山川里數今舉其畧

云

挹怛同

挹怛同至隋時又謂挹怛國焉挹怛國都烏澹水南二百餘里大月氏之種類也勝兵五六萬人俗善戰先時國亂突厥遣通設宋語強領其國俗同吐火羅南去曹國千五百里東去瓜州六千五百里大業中遣使來貢按劉璠梁典滑國姓嘽後裔以姓爲國號轉訛又謂之挹怛焉其本源或云車師之種或云高車之種或云大月氏之種又帝節西蕃記云親問其國人並自稱挹怛又按漢書陳湯征鄯支康居副王挹闐沙其後重此或康居之種類然傳自遠國夷語訛舛年代綿邈莫知根實不可得而辨也今考其風俗物產及諸家所說類而編之

天竺

天竺後漢通焉即漢時身毒國初張騫使大夏見印

此大夏國人也曰吾賈人往身毒國市之即天竺也或云摩伽陀或云婆羅門在葱嶺之南去月氏東南數

千里地方三萬餘里其中分為五天竺一曰中天竺二曰東天竺三曰南天竺四曰西天竺五曰北天竺

地各數千里城邑數百南天竺際大海北天竺距雪山四周有山為壁南面一谷通為國門東天竺東際

大海與扶南林邑隣接但隔小海而已西天竺與罽賓波斯相接中天竺據四八百里之間國並有王漢時

又有損毒國去長安九千八百里去都護理所二千八百里南與葱嶺相連北與烏孫接衣服類烏孫隨

水草故塞種也顏師古云損毒即身毒身毒則天竺也塞種即釋種也蓋語音有輕重也從月氏

高附國以西南至西海東至盤起皆身毒之地身毒

有別城數百城置長有別國數十國置王雖各小異

而俱名身毒扶南傳云舍衛國隸屬天竺伽尸國一各波羅柰國亦名皮波羅柰斯國竺法

維佛國記云波羅柰國在伽維羅越國南千四百八

十里釋法盛歷國傳云其國有稍割牛其牛黑色角

細長可四尺餘十斤一割否則便困病或致死人服

牛血皆老壽國人皆壽五百歲牛壽亦等於人亦天

竺屬都臨恒河一名迦毗黎河靈鷲山胡語曰耆闍

崛山以有青石頭似鷲鳥竺法維佛國記云在摩竭

其時皆屬月氏月氏殺其王而置將令統其人俗脩

浮圖道不殺生飲酒桓帝延嘉二年頻從日南徼外

來獻時帝好神數祀浮圖老子百姓稍有奉者後至

轉盛其國人士著與月氏同而卑濕暑熱人弱於月

氏魏晉代絕不復通梁武帝天監初其王長史竺羅

貢獻後魏宣武帝時南天竺國遣使獻駿馬云其國

出獅子貂豹揮

胡昆

橐駝犀象有人齊如雲母而色

紫裂之則薄如蟬翼積之則如紗縠之重皆有金剛
 似紫石英百鍊不銷可以切玉璫瑁金銅鐵鉛錫金
 縷織成金罽白疊毼毼音塔又有旃檀鬱金等香
 甘蔗諸果石蜜胡椒薑薑西與大秦安息交市海
 中或至扶南交趾貿易多珊瑚珠璣琅玕俗無簿籍
 以齒貝為貨尤工幻化丈夫致敬極者舐足摩踵而
 致其辭家有奇樂倡伎其王與大臣多服錦罽王為
 螺髻於頂餘髮剪之使短丈夫剪髮穿耳垂璫俗皆
 徒跣衣重白色怯於鬪戰有弓箭甲稍亦有飛梯地
 道木牛流馬之法有文字善天文筭曆之術其人皆
 學悉曇音書於具多樹葉以記事隋煬帝志通西域

遣裴矩應接西蕃諸國多有不至者唯天竺不通帝以
 為恨大唐武德中其東西南北四天竺悉為中天竺
 所并貞觀十五年其王姓乞利咥丑栗反名尸羅逸多
 或云姓利利氏遣使奉表二十二年右衛率府長史
 王玄冊奉使天竺會尸羅逸多死國大亂其臣那伏
 帝阿羅那順自立乃發兵拒玄冊遁抵于吐蕃之西
 南以書徵隣國之兵吐蕃發精銳千二百人泥婆羅
 國發七千餘騎來赴玄冊與其副將師仁率二國之
 兵進至茶磚音和羅城即中天竺之所居也連戰大
 破之斬首三千餘級赴水溺死者且萬人獲其王妃
 及王子等虜男女萬三千人牛馬三萬餘疋於是天

竺響震城邑聚落降者五百八十餘所遂俘阿羅那

順以還晉宋時浮圖經云臨倪國其王生浮圖太子也父曰骨頭耶母曰莫耶浮圖身服色黃髮

青如青絲始莫耶夢白象始孕及生從母左脇出生而有髻墮地能行七步此國在天竺域天竺又有神

人名沙律昔漢哀帝元壽元年博士弟子景偃受大月氏使王伊存口授浮圖經國口復豆者其人也偃

浦塞桑門伯開疏間白間比丘桑門皆弟子號也浮圖所載與中國老子經相出入蓋昔為老子西出關

過西域之天竺教胡為浮圖徒屬弟子號各有二十九不能詳載故畧之諸家紀天竺國事多錄諸僧法

經道安之流傳記疑皆怪誕不經不復悉纂也已具序畧註中

車離

車離後漢時這焉居沙奇城一名禮惟特一名沛隸

王在天竺東南三千餘里大國也其土氣物類與天

竺同別城數十皆稱王其人怯弱地東西南北方數

千里人皆長八尺乘象駱駝往來隣國有寇乘象以

戰

師子國

師子國東晉時通焉天竺旁國也在西海之中延袤

二千餘里多出奇寶其地和適無冬夏之異五穀隨

人所種不須時節其國舊無人止有鬼神有龍居之

諸國商賈來共市易鬼不見其形但珍寶明其所堪

價商人依價取之諸國人聞其土樂因此競至或有

停住者遂成大國能馴養神師子遂以為名風俗與

婆羅門同而尤敬佛法安帝義熙初遣使獻玉佛像

高四尺二寸玉色潔潤形制殊殆非人工歷晉宋代

在建康瓦棺寺

先有微士戴安道手制佛像五身及顧長康畫維摩詰並玉像時人謂為

三絕至齊東昏遂毀玉像前截臂次取身為妻妾潘貴妃作釵釧時咸歎惜之建康即今丹陽郡江寧縣

宋文帝元嘉五年其王利利摩訶南遣使貢獻梁武

帝大通元年後王迦葉伽羅訶黎耶亦遣使貢獻杜

記師子國亦曰新檀又曰婆羅門即南天竺也國之北人盡胡貌秋夏炎旱國之南人盡獠面四時霖雨

從此始有佛法寺舍人皆儻耳布裹腰

高附

高附後漢時通焉在大月氏西南亦大國也其俗似

天竺而弱易復善賈販內富於財所屬無常天竺蜀

賓安息三國強即得之弱則失之後漢史云先未嘗

為王翁侯數誤矣後屬安息及月氏破安息始得高附翁許及反

大秦

大秦一名犁鞞鞞居言反一云前後漢時始通焉其

國在西海之西亦云海西國其王理安都城宮室皆

以水精為柱從條支西度海曲萬里去長安蓋四萬

里其地平正人居星布其地東西南北各數千里有

四百餘城小國役屬者數十西有大海海西有遲散

城玉城有官曹簿領而文字習胡人皆髦頭而衣文

繡亦有白蓋小車旌旗之屬及十里一亭三十里一

堠一如中州地多獅子遮害行旅不百餘人持兵器

輒為所食其王無常人皆簡立賢者有灾異及風雨

不時輒廢而更立受放者無怨其人長太平正有類

中國故謂之大秦或云本中國人也土有駭鷄犀抱

子云通天犀有一白理如綆者以盛米置羣鷄中欲啄米至輒驚去故南人名為駭鷄也合會諸

香煎其汁以為蘇合土多金銀奇寶夜光璧明月珠

琥珀琉璃神龜白馬朱髦瑋瑁玄熊赤螭壁毒鼠大

貝車渠廣雅云車渠似玉瑪瑙廣雅云瑪瑙似玉寶出西海有養者

似狗多力獷惡贊藏宗反獷古猛反北附庸小邑有羊羔自然

生於土中候其欲萌築墻護之恐為獸所食也其臍

與地連割之絕則死擊物驚之乃驚鳴遂絕逐水草

無羣又有木難出翅鳥口中結沫所成碧色珠也土

人珍之曹子建詩云有幻人能額上為炎燼手中作江湖舉足而珠玉自墮開口則播耗亂出前漢武帝時遣使至

安息安息獻犁鞞幻人二皆感眉峭鼻亂髮拳鬚長四尺五寸播音煩耗人志反有織成細

布言用水羊毛名曰海西布出細布作氍毹毼毼罽

帳之屬其色又鮮於海東諸國所作也又常利得中

國縑素解以為胡綾紺紋數與安息諸胡交市於海

中西南漲海中可七八百里行到珊瑚洲水底有盤

石珊瑚生其上大秦人常乘大船載鐵網令水工沒

先入視之可下網乃下初生白而漸漸似苗坼甲歷

一歲許出網目間變作黃色支格交錯高極三四尺

大者圍尺餘三年色乃赤好復沒視之知可採便以

鐵鈔發其根乃以索繫網使人於船上絞車舉出還

國理截恣意所作若失時不舉便盡敗其王常欲通

使於漢塗經大海商客往來皆齎三歲糧是以至者
稀桓帝延嘉初大秦王安敦遣使自日南徼外獻象
牙犀角瑇瑁始乃通焉其所表貢並無珍異疑傳者
隱之至晉武帝太康中其王遣使貢獻或云其國西
有弱水流沙近西王母所處幾於日所入也外國圖
云從偶
巨北有國名曰大秦其種長大身丈五六尺杜環經
行記云拂菻國在石國西隔山數千里亦曰大秦其
人顏色紅白男子悉着素衣婦人皆服珠錦好飲酒
尚乾餅多淫巧善織絡或有浮在諸國守死不改鄉
風琉璃妙者天下莫比王城方八十里四面境土各
數千里勝兵約有百萬常與大食相禦西枕西海南
枕南海北接可薩突厥西海中其市客主同和我往
則彼去彼來則我歸責者陳之於前買者酬之於後
皆以其直置諸物傍待領直然後收物名曰鬼市又
聞西有女國感水而生又云摩離國在秧薩羅國西
南渡大磧行二千里至其國其人黑其俗獷少米麥
無草木馬食乾魚人食鵲莽鵲莽即波斯棗也瘴癘

特甚諸國陸行之所經山胡則一種法有數般有大
食法有大秦法有尋尋法其尋尋蒸報於諸夷狄中
最甚當食不語其大食法者以弟子親戚而作判典
縱有微過不至相累不食猪狗驢馬等肉不拜國王
父母之尊不信鬼神祀天而已其俗每七日一假不
買賣不出納唯飲酒譁浪終日其大秦善醫眼及痢
或未病先見
或開腦出虫

小人

小人在大秦之南軀纔三尺其耕稼之時懼為鶴所
食大秦每衛助之小人竭其珍以酬報

軒渠

軒渠其國多九色鳥青口綠頸紫翼紅膺紺頂丹足
碧身紺背玄尾亦名九尾鳥亦名錦鳳其青多紅少
謂之繡鸞常從弱水西來或云是西王母之禽也其

國幣貨同三童國

三童

三童在軒渠國西南千里人皆眼有三睛珠或有四舌者能為一種聲亦能俱語常貨多用蕉越犀象作金幣率效國王之面亦效王后之面若丈夫交易則用國王之面王死則更鑄已上三國與大秦隣接故附之

澤散

澤散魏時聞焉屬大秦其理在海中央北至驢分水行半歲風疾時一月到最與安息城谷相近西南詣大秦都不知里數

驢分

驢分魏時聞焉屬大秦其理去大秦都二千里從驢分城西之大秦渡海飛橋長二百四十里發海道西南繞海道直西行至焉

堅昆

堅昆魏時聞焉在康居西勝兵二萬人隨水草畜牧多貂有好馬

呼得

呼得魏時聞焉在葱嶺北烏孫西北康居東北勝兵萬餘人隨水草畜牧出好馬亦多貂

丁令

丁令魏時聞焉在康居北勝兵六萬人隨畜牧出名

鼠皮白子青昆子皮此上三國堅昆中央俱去匈奴
單于庭安習水七千里南至車師六國五千里西南
去康居界二千里西去康居王理八千里或以為此
丁令即匈奴北丁令也而北丁令在烏孫西以其種
別也又匈奴北有屈射國有隔昆國有新犁國自北
之南又復有丁令非烏孫西丁令也烏孫長老言北
丁令有馬腦國其人聲音似鴈鴛從膝以上身至頭
人也膝以下生毛馬腦馬蹄不騎馬而走疾於馬勇
健敢戰

短人

短人魏時聞焉在康居西北男女皆長三尺人衆甚

多去奄蔡諸國甚遠康居長老傳聞嘗有商旅行北
方迷或失道而到斯國中甚多真珠夜光明月珠見
者不知名此國號言以意商度此國去康居可萬餘
里突厥本未記云突厥窟比馬行一月有短人國長
者不踰三尺亦有二尺者頭少毛髮若羊胞之狀
突厥呼爲羊胞頭國其傍無他種類相侵俗無寇盜
但有大鳥高七八尺常伺短人啄而食之短人皆持
弓矢以爲之備按此亦在西
此即魏畧云短人國是也

波斯

波斯後魏時通焉在達曷水之西都宿利城後周史
蘇利

城隋史云蘇蘭城記
録音訛其實一也有河經其城中南流即條支之

故地也大月氏之別種其先有波斯匿王其子孫以
王父字爲氏因爲國號焉王姓波斯戶十餘萬東去

中國萬餘里西去海數百里東南去穆國四十餘里西北去拂菻四五百里有樓觀屋宇佛寺城西十五里有土山周迴高大其勢連接甚遠中有鷹鷲噉羊土人極以為患其王坐金羊座戴金花冠衣錦袍織成帔飾以真珠寶物其俗丈夫剪髮戴白皮帽貫頭衫兩肩近下開之并布巾帔緣以織成婦人服大衫帔仍貫五色珠絡之於膊王即位以後擇諸子內賢者密書其名封之於庫諸子及大臣皆莫之知也王死衆乃共發書視之其封內有名者即立以為王餘子各出就邊任兄弟更不相見也國人號王曰醫噴才割反妃曰陟率王之諸子曰殺野其刑法重罪

縣諸竿射而殺之次則繫獄新王立乃釋之賦稅準地輸銀錢事大神天神婚合不擇尊卑於諸夷之中最為醜穢死者多棄屍於山一月理服城外有人別居唯知喪葬之事號為不淨人若入城市推鈴自別以六月為歲首氣候暑熱家自藏冰其地多砂磧引水溉灌其五穀及禽獸與中夏畧同唯無稻及黍土出名馬及駝富室至有數千頭者出象獅子多良犬有大鳥形如橐駝有兩翼飛而不能高食草與肉亦能噉人有大鳥卵真珠頗黎珊瑚琉璃瑪瑙水精琴瑟金銀鍮石金鋼火齊銅錫鑛鐵朱砂水銀錦疊細布氍毹毼毼護那越諾布金縷織成赤麀皮薰陸麝

金蘇合青木等香胡椒單撥石蜜千年棗香附子訶
黎勒無食子鹽綠雌黃又有優鉢曇花鮮華可愛地
有鹹池孝明帝時及西魏末並貢方物突厥不能至
其國亦羈縻之隋大業中亦遣使來貢大唐貞觀二
十一年其國屬獻理釋地形類鼠而色青身長八九
寸能入穴取鼠杜環記云自被大食滅至天寶末已百餘年矣

悅般

悅般後魏時通焉在烏孫西北其先匈奴北單于之
部落也爲漢車騎將軍霍憲所逐北單于度金微山
西走康居其羸弱不能去者住龜茲北地方數千里
衆可二十餘萬涼州人猶謂之單于王其風俗言語

似高車而其人清潔倣胡俗剪髮齊眉以飾餽塗之
豔豔然光澤日二澡漱然後飲食其國南界有火山
山傍石皆焦熱流地數十里乃疑堅人取以爲藥卽
石流黃也太武真君九年遣使朝獻并送幻人稱能
割人喉脉令斷擊人頭令骨陷皆血出淋漓或數升
或盈斗以草藥內其口中令嚼咽之須臾血止養瘡
一月復常又無痕癥太武乃取死罪囚試之皆驗云
中國諸名山皆有此草乃使人受其術而厚遇之

伏盧尼

伏盧尼後魏時通焉理伏盧尼城在波斯國西北有
大河南流中有鳥其形似人亦有如橐駝馬者皆有

翼常居水中出水便死城北有云尼山出銀珊瑚琥珀多獅子

朱俱波

朱俱波後魏時通焉亦名朱居槃國漢子合國也今并有之漢西夜蒲犁依耐得若四國之地在于闐國西千餘里其西至渴槃國南至女國三千里北至踈勒九百里東至葱嶺二百里其王本踈勒國人魏畧傳曰西夜并屬踈勒建武永平中朱俱槃國遣使朝貢其人言語與于闐相似其間小異人貌多同華夏亦大唐武德以後頻遣使朝貢

渴槃陁

渴槃陁後魏時通焉亦名漢陁國亦名渴羅陁國葱嶺中在朱俱波國西至護密國其南至懸度山無定界北至踈勒國界西北至判汗國其王本踈勒人累代相承以居此國有戶二千餘懸度山在國西南四百里懸度者石山也谿谷不通以繩索相引而度其間四百里中往往有棧道因以為名今按懸度葱嶺迤邐相屬郵置所絕道阻且長故行人由之莫能分別然法顯求雲所經即懸度山也又有頭痛山在國西南向蜀賓歷大頭痛小頭痛之山赤土身熱之宋唐異物志云大頭痛小頭痛山皆在渠搜之東阪踈勒之西經之者身熱頭痛夏不可行行則致死唯冬可行尚嘔吐山有毒藥氣其所為也冬乃枯歇故可行也其葱嶺俗號極崑山

今按葱嶺周環其國衣服人貌語音與于闐相似其間多有異者書與婆羅門同國中感事佛人山居勁健雜人多而胡少有音樂兵器有甲稍弓刀稍音朔國法殺人劫賊者死餘征罰其稅雜輸之服飾婚姻同踈勒王坐金牀死者埋殯七日為孝太武帝大延三年朝獻於後不絕

粟弋

粟弋後魏通焉在葱嶺大國一名粟特一名特拘婁出好馬牛羊蒲萄諸果出美蒲萄酒其土地水美故也出大禾高丈餘子如胡豆在安息北五千里附庸小國四百餘城太武帝時遣使朝獻

阿鈎羗

阿鈎羗後魏通焉在沙車西南國西有懸度山其間四百里中往往有棧道下臨不測之淵人行以繩索相持而度土有五谷諸果市用錢為貨居止立宮室有兵器

副貨

副貨後魏通焉東至阿富使且國西至沒誰國中間相去千里南有連山不知名北至奇沙國相去千五百里宜五穀蒲萄唯有駝驢國王有黃金殿殿下有金駝七頭各高三尺孝文帝時其王遣使朝貢

疊伏羅

通典卷一百九十三
一
疊伏羅後魏通焉去代三萬二千里國中有勿悉城
城北有疆奇水西流有白象土宜五穀宣武帝時遣使
獻方物

賒彌

賒彌後魏時聞焉在波斯之南山居不信佛法專事
諸神亦附嘍噠東有鉢盧勒國路嶮緣鐵鑠而度下
不見底後魏遣使宋雲等竟不能達

石國

石國隋時通焉居於藥殺水都柘折城方千餘里本
漢大宛北鄙之地東與北至西突厥界西至波臘國
界西南至康居界南至率都沙那國界一姓石國城

之東南立屋置座於中正月六日七月十五日以至
毋燒餘之骨金甕盛之置于床上巡遶而行散以香

花雜果王率臣下設祭焉禮終王與夫人出就別帳

臣下以次列坐而饗宴有粟麥多良馬南去鏐汗

六百里東南去瓜州六千里隋大業五年大唐貞觀

八年並遣使朝貢杜環經行記云其國城一名緒支

仙芝擒其王及妻子歸京師國中有一水一名真珠

河一名質河並西北流土地平敞多果實出好犬良

馬又云碎葉國從安西北千餘里有教達嶺嶺南

是大唐北界嶺北是突厥騎施南界西南至葱嶺二

千餘里其水嶺南流者盡過中國而歸東海嶺北流

者盡經胡境而入北海又北行數日度雪海其海在
山中春夏常雨雪故曰雪海中有細道道傍往往有
水孔嵌空萬仞轉墮者莫知所在教達嶺北行千餘
里至碎葉川其川東頭有熱海茲地寒而不凍故曰
熱海又有碎葉城天寶七年北庭節度使王正見薄

通典卷百九十三
九
伐城壁摧毀邑居零落昔交河公主所居止之處建
大雲寺猶存其川西接石國約長千餘里川中有異
姓部落有異姓突厥各有兵馬數萬城堡間雜日尋
干戈凡是農人皆擐甲冑專相虜掠以為奴婢其川
西頭有城名曰怛羅斯石國人鎮即天寶十年高仙
芝軍敗之地從此至西海以來自三月至九月天無
雲雨皆以雪水種田宜大麥小麥稻
禾豌豆畢豆飲蒲萄酒麩酒醋乳

女國

女國隋時通焉在葱嶺之南其國代以女為國王王
姓蘇毗女王之夫號為金聚不知政事國內丈夫唯
以征伐為務山上為城方五六里人有萬家王居九
層之樓侍女數百人五日一聽朝復有小女王共理
國政其俗貴婦人輕丈夫而性不妬忌男女皆以彩
色塗面一日之內或數度變改之男子皆被髮婦人

鬢髮而縈之其王死若無女嗣位國人乃調歛金錢
得數百萬還於死王之族買女而立之其地五男三
女貴女子賤丈夫婦人為吏職男子為軍士女子貴
者則多有侍男男子不得有侍女雖賤庶之女盡為
家長有數夫焉生子皆從母姓氣候多寒以射獵為
業出輸石朱砂麝香犂_{里之}牛駿馬蜀馬尤多鹽常
將鹽向天竺與販其利數倍亦數與天竺及党項戰
爭其女王死國中貴人剥取皮以金屑和骨肉置於
瓶內而埋之經一年又以其皮納於鐵器埋之俗事
阿脩羅神開皇中遣使來貢

吐火羅

吐火羅一名土壑宜後魏時吐呼羅國也隋時通焉
都葱嶺西五百里在烏許河南即媯水也與挹怛雜
居勝兵十萬人皆習戰俗奉佛多男少婦人故兄弟
通室婦人五夫則首飾戴五角十夫戴十角男子無
兄弟者則與他人結為昆季方始得妻不然終身無
婦矣生子屬其長兄被服文字與于闐畧同城北有
頗黎山南崖穴中有神馬國人每牧馬於其側時產
名駒皆汗血焉其北界則漢時大宛之地南去曹國
千七百里東去瓜州六千七百里大業中遣使來貢
大唐初屬西突厥高宗永徽初遣使獻大鳥高七尺
其色玄足如駝鼓翅而行日三百里能噉鐵夷俗謂
為駝鳥龍朔元年吐火羅置州縣使王名遠進西城
圖記并請于闐以西波斯以東十六國分置都督府
及州八十縣一百軍府百二十六仍於吐火羅國立
碑以紀聖德帝從之

劫國

劫國隋時聞焉在葱嶺中西與南俱與餘彌國界接
西北至挹怛國去長安萬二千里有戶數萬氣候熱
有稻麥粟豆羊馬出洛沙青黛婚姻同突厥死亡棄
於山大唐武德二年遣使貢寶帶金鐮頗黎水精盃
各一頗黎四百九十枚大者如棗小者如酸棗

陀羅伊羅

陁羅伊羅隋時聞焉在烏茶國北大雪山坡上緣梯登山接七百梯方到其國

越底延

越底延國隋時聞焉理辛頭河北南至婆羅門國三千里西北至賒彌國千餘里東北至瓜州五千四百里其王婆羅門種類戶數萬有弓矢刀稍皮甲國法不殺人重罪流輕者杖國無課稅其俗事佛書同婆羅門王及庶人被髮衣錦袍不開縫貧者衣白疊婦人爲髻衣裙衫帳長巾俗清潔氣候溫多稻有羊馬多牛出輸石訶黎勒石蜜麀皮細鹽

大食

大食大唐永徽中遣使朝貢云其國在波斯之西或云初有波斯胡人若有神助得力殺人因招附諸胡有胡人十一來據次第摩首受化爲王此後衆漸歸附遂滅波斯又破拂菻及婆羅門城所向無敵兵衆有四十二萬有國以來三十四年矣初王已死次傳第一摩首者今王即是第三其王姓大食其國男夫鼻大而長瘦黑多鬚鬢髮以婆羅門女人端麗亦有文學與波斯不同出駝馬驢騾殺羊等土多砂石不堪耕種無五穀惟食駝象等肉破波斯拂菻始有米麩敬事天神又云其王常遣人乘船將衣糧入海經涉八年未極西岸於海中見一方石石上有樹枝赤葉

青樹上總生小兒長六七寸見人不語而皆能笑動其手脚頭着樹枝人摘取入手即乾黑其使得一枝

還今在大食王處杜環經行記云一名亞俱羅其大

長大衣裳鮮潔容止閑麗女子出門必掩蔽其面無

問貴賤一日五時禮天食肉作齋以殺生為功德繫

銀帶佩銀刀齧飲酒禁音樂人相爭者不至毆擊又

有禮堂容數萬人每七日王出禮拜登高座為眾說

法曰人生其難天道不易非劫竊細行謾言安已

危人欺貧虐賤有一於此罪莫大焉凡有征戰為敵

所戮必得生天殺其敵人獲福無量率土稟化從之

如流法唯從寬聖唯從儉郭廓之內里開之中天地

所生無物不有四方輻輳萬貨豐賤錦綉珠貝滿於

市肆駝馬驢騾充於街巷刻石木為廬舍有似中國

寶器每至節日則獻貴人琉璃器皿輸石瓶鉢蓋不

可數箒粳米白麩不異中華其果楸桃又千年棗其

蔓菁根大如斗而員味甚美餘菜亦與諸國同蒲萄

大者如鷄子香油貴者有二一名耶塞漫一名沒回

安甲反師香草貴者有二一名查塞蓬蒲孔反一名

藥薑姜綾綉機杼金銀匠畫匠漢匠起作畫者京兆

人樊淑劉此織絡者河東人樂環呂禮又以橐駝駕

車其馬俗云西海濱龍與馬交所產也腹肚小脚腕

長善者日走千里其駝小而紫背有孤峯良者日馳

千里又有駝鳥高四尺以上脚似駝蹄頸項勝得人



有大川東流入亞俱羅商客糴比糴彼往來相繼人多魁梧衣裳寬大有似儒服其苦國有五節度有兵馬一萬以上北接可薩突厥可薩魏徵論曰自古開北又有突厥足似牛蹄好啖人肉遠夷通絕域必因宏放之主皆起好事之臣張騫鑿空於前班超投筆於後或結之以重寶或懾之以利劍投軀萬死之地以立一朝之功皆猶主尚來遠之名臣徇輕生之節是知上之所好下必有甚焉者矣煬帝規模宏侈掩吞秦漢裴矩方進西域圖記以蕩其心故萬乘親出玉門關置伊吾且末郡而關右暨於流沙騷然無聊生矣古哲王之制方五千里務安諸夏不事要荒豈威不能加德不能被蓋不以四夷勞中國不以無用害有用也是以秦戍五嶺漢事三

邊或道殣相繼或戶口減半隋室恃其強盛亦狼狽於青海此皆一人失其道故億兆罹其毒也